

გენერალური ხელშეკრულება 162

წინამდებარე გენერალური ხელშეკრულება დადებულია ქ. ბათუმში, 2011 წლის 3 ოქტომბრიდან (შემდგომში "ხელმოწერის დღე") შემდეგ მხარეებს შორის:

ხელშეკრულების მხარეთა იურიდიული სტატუსი:

- (1) შპს "თერგი XXII" (ს/კ 245629057), წარმოდგენილი მისი დირექტორის, ედნარ ბაგრატიონის სახით, იურიდიული მისამართი: ქ. ბათუმი, ლეონიძის 31 ("გამყიდველი");
- (2) ს.ს.ი.პ. აკონსტიტუციონალიზმის კვლევისა და ხელშეწყობის რეგიონული ცენტრი " ს/კ 2045788242), წარმოდგენილი მისი დირექტორის ათანდილ დემეტრაშვილი იურიდიული მისამართი: მელაშვილის 26 შემდგომში ("მყიდველი").

1. ტერმინთა განმარტება

- 1.1 პროდუქცია - სხვადასხვა მწარმოებლის მიერ დამზადებული უაღკოპოლო ხასმელები, რომლის სახეობები და ფასები მოცემულია ხელშეკრულების №1 დანართში.
- 1.2 მხარე - გამყიდველი ან მყიდველი.
- 1.3 მხარეები - გამყიდველი და მყიდველი ერთობლივად;
- 1.4 შეკვეთა - მყიდველის მიერ გამყიდველის მიმართ განხორციელებული წერილობითი მოთხოვნა, სადაც განსაზღვრულია მისაწოდებელი პროდუქციის სახეობები და რაოდენობები;
- 1.5 ფორს მავორული გარემოება - სტიქიური უბედურებები და ტექნოლოგიური კატასტროფები, ხანძარი, საომარი მოქმედებები, სამთავრობო გადაწყვეტილებები ან დაუძლეველი ძალის სხვა გარემოებები;
- 1.6 ხელშეკრულება - წინამდებარე გენერალური ხელშეკრულება და მისი დანართები.

2. წინაპირობები

- (ა) ხელმოწერის დღისათვის გამყიდველი არის პროდუქციას კანონიერი მესაკუთრე ან/და მფლობელი, ხოლო მყიდველი ეწევა სამეწარმეო საქმიანობას (მათ შორის კვების პროდუქტებით ვაჭრობას) და ამ მიზნით საკუთრებაში ან/და მფლობელობაში გააჩნია საფაქრო ობიექტი, რომელიც მდებარეობს: მელაშვილის 26
- (ბ) მყიდველს სურს პერიოდულად შეიძინოს გამყიდველისაგან პროდუქცია, ხოლო გამყიდველს სურს მიჰყიდოს იგი მყიდველს.

3. ხელშეკრულების საგანი

- 3.1 პროდუქციის გაყიდვა, შექენა და გადაცემა:
 ხელშეკრულების მოქმედების პერიოდში გამყიდველი პერიოდულად (შეკვეთის შეხებაშისადა) მყიდვის და საკუთრებაში გადასცემს პროდუქციას მყიდველს, ხოლო მყიდველი ვიდულობს და საკუთრებაში იღებს ამ პროდუქციას ხელშეკრულებით დადგენილი პირობებით. მყიდველი თანახმაა გადაიხადოს პროდუქციის ღირებულება, როგორც ეს განსაზღვრულია ხელშეკრულებით.

გამყიდველი

მყიდველი

4. ფინანსური პირობები და ანგარიშსწორების წესი

- 4.1 პროდუქციის ღირებულება:
 - 4.1.1 გამყიდველის მიერ მიყიდველისათვის საკუთრებაში გადასაცემი პროდუქციის ღირებულება განისაზღვრება ხელშეკრულების №1 დანართით.
 - 4.1.2 გამყიდველი უფლებამოსილია შეცვალოს ხელშეკრულებით განსაზღვრული ფასები ნებისმიერ დროს და ამის შესახებ წერილობით უნდა შეატყობინოს მიყიდველს ასეთი ცვლილების განხორციელებამდე არანაკლებ 3 დღისა. თუ ამგვარი შეტყობინების განხორციელებიდან 2 დღის ვადაში მიყიდველი წერილობით არ უარყოფს შეცვლილ პირობას, მაშინ აღნიშნული ცვლილება ჩაითვლება მხარეებს შორის შეთანხმებულად, ხოლო თუ მითითებულ ვადაში მიყიდველი წერილობით უარყოფს შეთავაზებულ შეცვლილ ფასს, მაშინ გამყიდველის ვალდებულება - მიაწოდოს მიყიდველს ასეთი შეცვლილი ფასის მქონე პროდუქცია - უქმდება.
- 4.2 მიყიდველი ვალდებულია სრულად გადაუხადოს გამყიდველს მიწოდებული პროდუქციის ღირებულება ეტაპობრივად, მაგრამ არაუგვიანეს მიმდინარე კალენდარული თვის ბოლო დღისა. ამასთანავე, თუ ერთ საანგარიშო თვეში მიყიდველის მიერ განხორციელდა რამოდენიმე შეკვეთა, მაშინ გამყიდველი პროდუქციის მიწოდებას განხორციელებს მხოლოდ მიყიდველის მიერ წინა შეკვეთების შესაბამისად მიწოდებული პროდუქციის ღირებულების სრულად გადახდის შემდეგ. აღნიშნულის მიუხედავად, მიყიდველის ვალდებულება ყოველი კალენდარული თვის ბოლოს გადაიხადოს საანგარიშო თვეში ფაქტიურად მიღებული პროდუქციის ღირებულება რჩება ძალაში.
- 4.3 ხელშეკრულებით გათვალისწინებული ყველა ფულადი ვალდებულება უნდა განხორციელდეს ნაღდი ან უნაღდო ანგარიშსწორებით.

5. მიწოდება

- 5.1 გამყიდველის მიერ მიყიდველისათვის პროდუქციის მიწოდება ყოველ ცალკეულ შემთხვევაში ხორციელდება შესაბამისი შეკვეთის საფუძველზე. შეკვეთაში მითითებულ უნდა იქნას მისაწოდებელი პროდუქციის სახეობა და რაოდენობა, რომელიც უნდა შეესაბამებოდეს №1 დანართში მითითებულ სახეობებს და ზღვრულ მინიმალურ და მაქსიმალურ რაოდენობებს.
- 5.2 გამყიდველმა პროდუქციის მიწოდება უნდა განხორციელოს შესაბამისი შეკვეთის განხორციელებიდან 2 (ორი) სამუშაო დღის ვადაში. მიწოდების ადგილია მიყიდველის ხელშეკრულებაში მითითებული მისამართი.
- 5.3 მიწოდების მომენტიდანვე მიყიდველზე გადადის პროდუქციის შემთხვევითი დაღუპვის ან დაზიანების რისკი.
- 5.4 მიწოდებისას მიყიდველი უფლებამოსილია შეამოწმოს პროდუქციის მდგომარეობა და რაოდენობა ხოლო რაიმე ნაკლის აღმოჩენის შემთხვევაში მაშინვე უნდა აცნობოს ამის შესახებ გამყიდველს, წინააღმდეგ შემთხვევაში მიწოდებული პროდუქცია ჩაითვლება უნაკლოდ. გამყიდველი ვალდებულია გონივრულ ვადაში შეცვალოს ნაკლის მქონე პროდუქცია, თუ მიყიდველმა აცნობა მას ამის შესახებ წინამდებარე პუნქტით დადგენილი წესით.
- 5.5 ყოველ მიწოდებაზე მხარეები აფორმებენ ზედნაღებს, რაც ადასტურებს მასში მითითებული სახეობისა და რაოდენობის პროდუქციის მიწოდების ფაქტს.
- 5.6 პროდუქცია მიწოდებულად ითვლება და მასზე საკუთრების უფლება მიყიდველზე გადადის ხელშეკრულების 5.5 პუნქტით გათვალისწინებული ზედნაღების გაფორმების მომენტიდან.

6. მხარეთა პასუხისმგებლობა

- 6.1 მხარეები ვალდებული არიან ხელშეკრულებით ნაკისრი ვალდებულებები შეასრულონ ჯეროვნად და კეთილსინდისიერად, წინააღმდეგ შემთხვევაში პასუხს აგებენ საქართველოს კანონმდებლობით დადგენილი წესით.
- 6.2 გამყიდველის მიერ ხელშეკრულების 5.2 პუნქტით დადგენილი ვალდებულების ამავე პუნქტით განსაზღვრულ ვადაში შეუსრულებლობის შემთხვევაში მყიდველი უფლებამოსილია მოსთხოვოს მას პირგასამტეხლო ასეთი შეუსრულებელი ვალდებულების ჯამური ღირებულების 0,1%-ის ოდენობით ყოველი ვადაგადაცილებული დღისათვის.
- 6.3 მყიდველის მიერ ხელშეკრულების 4.2 პუნქტით გათვალისწინებული ვალდებულების ამავე პუნქტით განსაზღვრულ ვადაში შეუსრულებლობის შემთხვევაში გამყიდველი უფლებამოსილია მოსთხოვოს მას პირგასამტეხლო ასეთი შეუსრულებელი ვალდებულების ჯამური ღირებულების 0,1%-ის ოდენობით ყოველი ვადაგადაცილებული დღისათვის.

7. ფორს-მაჟორი

- 7.1 არცერთი მხარე არ აგებს პასუხს ხელშეკრულებით ნაკისრი ვალდებულებების მთლიანად ან ნაწილობრივ შეუსრულებლობისათვის, თუ ეს შეუსრულებლობა გამოწვეულია ფორს-მაჟორული გარემოებით და ეს მოვლენები დაიწყო ან განვითარდა ხელმოწერის დღის შემდეგ.
- 7.2 ფორს-მაჟორული გარემოების წარმოშობის შემდეგ, მხარე, რომლისთვისაც ცნობილი გახდა აღნიშნული გარემოების შესახებ, ვალდებულია, აცნობოს მეორე მხარეს წერილობით დაუყოვნებლივ, ასეთი გარემოების, მისი შესაძლო ხანგრძლივობის (თუ შესაძლებელია ხანგრძლივობის განსაზღვრა) და ხელშეკრულებაზე მისი შესაძლო ზემოქმედების ისევე როგორც ფორს-მაჟორული გარემოების დასრულების შესახებ.
- 7.3 თუ ფორს-მაჟორული გარემოება იწვევს ხელშეკრულებიდან გამოდინარე რომელიმე ვალდებულების შესრულების უწყვეტ შეყოვნებას არაუმეტეს 3 (სამ) თვისა, შესრულების ეს ვადა გაგრძელდება ფორს-მაჟორული გარემოების მოქმედების ხანგრძლივობის შესაბამისად, თუ ასეთი შეყოვნება აჭარბებს 3 (სამ) თვეს უწყვეტად, მაშინ მხარეებს უფლება ექნებათ შეწყვიტონ წინამდებარე ხელშეკრულება გაფრთხილების გარეშე.


8. დავების გადაწყვეტა

8.1 მშვიდობიანი გადაწყვეტა

ნებისმიერი დავა თავდაპირველად წერილობით უნდა ეცნობოს სხვა მხარეს. მხარეები იღებენ ყველა ზომას, რათა ხელშეკრულებასთან დაკავშირებით წარმოქმნილი ნებისმიერი დავა ან უთანხმოება (მათ შორის თვით ამ ხელშეკრულების არსებობის, ნამდვილობის, შეწყვეტის ან ბათილობის საკითხი) (შემდგომში "დავა") გადაწყდეს მოლაპარაკების გზით ხანამ მიმართავენ სასამართლოს. მიუხედავად ამისა, თუ მხარეები სხვაგვარად არ გადაწყვეტენ, სასამართლოსთვის მიმართვა შესაძლებელია ხსენებული შეტყობინების გაგზავნიდან 15 (თხუთმეტი) დღის შემდეგ.

8.2. საარბიტრაჟო პროცესი

თუ ვერ გადაწყდება მშვიდობიანად, მაშინ ნებისმიერი დავა გადაწყდება სასამართლოს გზით, საქართველოს კანონმდებლობის შესაბამისად.



9. ხელშეკრულების მოქმედების ვადა და შეწყვეტა

- 9.1 ხელშეკრულება ძალაში შედის ხელმოწერის დღეს და ძალაშია 2013 წლის 31 დეკემბრის ჩათვლით.
- 9.2 ხელშეკრულებით გათვალისწინებული საკითხები წყდება მხარეთა ურთიერთშეთანხმებით საქართველოში მოქმედი კანონმდებლობის შესაბამისად.
- 9.3 ხელშეკრულება შეიძლება ვადაზე შეწყდეს მხოლოდ:
- ა) მხარეთა წერილობითი შეთანხმებით
 - ბ) წინამდებარე ხელშეკრულებით განსაზღვრულ შემთხვევებში;
 - გ) კანონით გათვალისწინებულ შემთხვევებში.
- 9.4 წინამდებარე ხელშეკრულება და მისი დანართები, წარმოადგენს ერთ მთლიან ხელშეკრულებას.

10. სხვა პირობები

- 10.1 ხელშეკრულება შედგენილია 2 (ორ) თანაბარ ეგზემპლარად ქართულ ენაზე.
- 10.2 ხელშეკრულებაში ნებისმიერი ცვლილება ან/და დამატება ფორმდება წერილობით ფორმით (ამ 10.2. პუნქტის ჩათვლით) ხელმოწერილი ორივე მხარის მიერ და წარმოადგენს ხელშეკრულების განუყოფელ ნაწილს.
- 10.3 ერთი მხარის მიერ მეორე მხარისადმი ნებისმიერი შეტყობინება უნდა განხორციელდეს წერილობით და გაგზავნილ უნდა იქნას ფოსტით, კურიერის მეშვეობით, ფაქსით ან ელფოსტით შესაბამისი მხარის იმ მისამართზე, რომელიც მითითებულია ხელშეკრულებაში.
- 10.4 წინამდებარე ხელშეკრულებიდან გამომდინარე რომელიმე უფლება ან ვალდებულება არ შეიძლება მთლიანად ან ნაწილობრივ გადაეცეს რომელიმე მესამე პირს სხვა მხარის წინასწარი წერილობითი თანხმობის გარეშე.
- 10.5 თუ ხელშეკრულების რომელიმე დებულება გახდა ბათილი, ეს არ მოახდენს გავლენას ამ ხელშეკრულების სხვა დებულებების ნამდვილობაზე, თუ სავარაუდოა, რომ ხელშეკრულება ამ ბათილი ნაწილის გარეშეც დაიდებოდა. ამ შემთხვევაში ბათილი დებულება უნდა შეიცვალოს ისეთი ნამდვილი და აღსრულებადი დებულებით ან დებულებებით, რომლებიც რაც შეიძლება მიახლოებულად ასახავენ ბათილ დებულებასთან დაკავშირებულ მხარეთა განზრახვას.
- 10.6 ხელშეკრულება წარმოადგენს მის მხარეთა შორის სრულ ურთიერთგაგებას და გარიგებას მასში გათვალისწინებულ საგანზე და უპირატესობა გააჩნია და აუქმებს მანამდე არსებულ ყველა ზეპირ თუ წერილობით გარიგებას, შეთანხმებებს, გადაწყვეტილებებსა და თანხმობებს ნებისმიერი მხარის მიერ აღნიშნულ საგანთან დაკავშირებით.
- 10.7 ხელშეკრულების მიმართ გამოიყენება საქართველოს კანონმდებლობა.

შ.პ.ს. „ოტერგი XXII“

ლეონიძის 31

ს/კ 245629057

ს.ს. „საქართველოს ბანკის“ ცენტრალური ფილიალი

ბანკის კოდი: baggage22

ა/ნ 872947000

დირექტორი: ედნარ ბაგრატიონი

ს.ს.ი.პ. „კონსტიტუციონალიზმის

კელევისა და ხელშეწყობის რეგიონული

ცენტრი“

მელაშვილის 26

ს/კ 2045788242

დირექტორი: ავთანდილ დუმეტრაშვილი



✓

